

21.maj 2019

UPA2019/45

**Ujaqqat pinnerasaasiassat aalajangersimasut nunatsinni piaarneqarsimasut suliareqqaarlugit sileqqaarlugillu nunatsinniit anninneqartarnissaat piumasaqaatigineqalissagaluarpat pitsaaqutigisinnaasai pitsaanngequtigisinnaasaalu pillugit apeqquteqaat aallaavigalugu oqallisissiaq.**

(Inatsisartunut ilaasortaq Anders Benjaminsen, Nunatta Qitornai)

Nunatta Qitornai oqallisissiarineqartumut matumunnga qilanaarpugut.

Nunatta pisuussutai suugaluartulluunniit nunatta inuisalu iluaqutissaraat aamma tamanna pitsaanerpaamik aqutissiuynissiaq anguniartuassavarput.

Nunarput pisoorsuuvoq ujaqqap pinnerasaasiassat pineqartillugit ukiunilu kingullerni nunaqavissut nunaminertanik atuisinnaanerminnik pisortanit akuersissutaatillit amerlipiloornikuupput. Periarfissaq tamanna ammaanqarmalli nunaqavissut akornanni soqutiginnineq annertoqq malugisimavarput.

Ujaqqap pinnerasaasiassat aalajangersimasut suliarineqartinnatik silineqarsimatinnatillu annerusumik nalituunngorsinnaanngillat. Taamattumik pisariaqarpoq akuersissutaatillit nalituunngortitsisinnaanerannut aqutissiuunnissaat. Tamannalu anguneqarsinnaavoq ujaqqat pinnerasaasiassat nunat tamalaat akornanni periuersineqartut assigalugit nunatsinnissaaq ujaqqanik pineqartunik nunat tamalaat akuerisaannik meqqilersuisinnaanermik periarfissiisoqarnissaa. Tamanna suli periarfissaangimmat anguneqarnissaata tungaanut piumasaqaatigilissallugu eqqortuusorinngilarput. Tamannalu piaartumik anguniartariaqarparput assigiinngitsutigut periarfissaareersut inerisaqqinneratigit soorlu aatsitassarsiornermut ilinniarfiup naleqqussarneratigit.

Nunatta Qitornai matumuuna isumaqarpugut ujaqqanik pinnerasaasiassanik aalajangersimasunut suliareqqaarlugit sileqqaarlugit anninneqartarnissaannut piumasaqaatigineqalissagaluarpat ukiuni aaliangeresimasuni taamaallaat tamanna ingerlanneqassasoq silatusaarnerusorparput .

Ujaqqat pinnerasaasiat aalajangersimasut akisoorsuunngortarput tamannalu pillugu nunatsinni nunaqavissuniit nunat tamalaat akornanni akuerisaasumik suliarineqarsinnaalernissaata tungaanut anninneqartarnissaat piumasaqaatigissallugu siusippallaartoq tassami suliareqqiisinnaasut silisisinnaasullu pigineqanngillat. Tamannali aporfiginagu nunat tamalaat akornanni akuerisaasumik nunaqavissut suliareqqiisinnaanngorlugit silisisinnaanngorlutillugillu aqutissiuunneqqaartariaqarput.

# Nunatta Qitornai

## Inatsisartuni



Ujaqqat pinneraasiassat aalajangersimasut nunatsinni piarneqarsimasut nunatsinniit suliareqqaarlugit sileqqaarlugillu anninneqartalernissaannut piumasaqaatigineqalernissaanut siunertamut tunngaviusumik isumaqataavugut tamannali nunaqavissut akornanni suliareqqiisinnaasut silisisinnaasullu pigilersimatinnagit piumasaqaateqalernissaq imminut aporfissalersuinerussasoq oqaatigiumavarput.

Naatsumik oqaatigissagaanni Suliareqqiisinnaaneq silisinnaanerlu piginnaasaqarfigilersimatinnagit inatsisitigut piumasaqaateqalissalluni pissusissamisuunngilaq.